



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Gli Statvti Della Sacra Religione Di S. Gio: Gierosolimitano**

**Bosio, Giacomo**

**Roma, 1597**

Bvlla S. D. N. D. Gregorii Papae. XIII. Confirmationis Privilegiorvm  
Religionis Sancti Ioannis Hierosolymitani. Gregorivs PP. XIII. Ad futuram  
rei memoriam.

**urn:nbn:de:hbz:466:1-10742**

# BULLA

MI  
S. D. N. D. GREGORII

PAPAE. XIII.

CONFIRMATIONIS

PRIVILEGIORVM RELIGIONIS

Sancti Ioannis Hierosolymitani.

GREGORIVS PP. XIII. *Ad futuram rei memoriam.*



VANTA Christiane Reipublicae commoda, atque ornamenta omni tempore attulerit Hospitalis Sancti Ioannis Hierosolymitani amplissimus Ordo; insignia, quae assidue praestitit Pietatis, & Charitatis officia, iam late testantur summo, ardentiq; studio, vel initio nascentis Ecclesiae in Ciuitate Sancta

Hierusalae, in qua Christi pedes steterunt, & ubi Deus Rex noster ante saecula salutem in medio terrae dignatus est operari complexa, & usq; modo, prout tempora tulerunt, varijs in locis continuata, quae nunc potissimum elucet eo in Hospitali, quod in Insula Melitae Beati Pauli Apostoli, cuius in tutela est, multis celebrata miraculis ab eo Ordine constitutum fuit, in quo eiusdem Pauli auctoritate permoti eius Hospitalis curam gerentes, re ipsa comprobant; iactis Fidei, & Spei fundamentis inter praecipuas Virtutes, quae Theologicae dicuntur, Charitatem principem obtinere locum, neq;

his

Melita Insula  
in tutela Beati  
Pauli Apostoli.

his pijs Actionibus, quas ijdem assiduis officijs, & Hospita-  
 litatis studijs in Proximos exercent planè secundæ, aut po-  
 stremæ sunt res, ab eis ad Diuini nominis gloriam, & exal-  
 tationem præclare gestæ, quarum longe, lateque fama per-  
 uagatur. Dum tanquam veri Christi Athletæ Machabæo-  
 rum æmulati morem, assumpta galea salutis aduersus Chri-  
 stiani nominis Hostes, & præsertim impios Mahometis Se-  
 ctatores arma sumunt, fortiterq; dimicant. Nos igitur Re-  
 ligionem floridam Paternis contemplantes affectibus ea,  
 quæ eis pro eorum prospero statu, commodo, & quiete per  
 Romanos Pontifices prudenter concessa reperimus, vt illi-  
 bara, firmaq; perpetuo subsistant, libenter approbationis no-  
 stræ munimine roboramus. Cum itaque, sicut accepimus,  
 licet aliàs foelicis recordationis Leo X. Clemens VII.  
 Paulus III. Pius IIII. & Pius V. Gregorius XIII.  
 & Sixtus V. Romani Pontifices Prædecessores nostri in-  
 ter alia Priuilegia, & Indulta Dilectis Filijs Magistro, &  
 Conuentui Hospitalis Sancti Ioannis Hierosolymitani à Se-  
 de Apostolica concessa, eundem, & pro tempore existen-  
 tem Magistrum, Baiuliuos, Castellatum Empostæ, Priores,  
 Præceptores, Milites, Familiares, aliasq; Personas Hospita-  
 lis huiusmodi, necnon eorum Subditos, Vassallos, Colo-  
 nos, & Seruitores, & alios in eorum obsequijs, & dicti Ho-  
 spitalis Beneficijs quomodolibet nuncupatis existē. etiam  
 Presbyteros curam Animarum exercentes, quandiu illam  
 exercent, & in illorum obsequijs forent, illorumq; Anima-  
 lia, Prædia, Domos, Molendina, & bona quæcunque, quæ  
 obtinebant, ac in posterum obtinerent, & possiderent, à so-  
 lutione, & exactione Decimarum, Censuum, Iurium etiam  
 Synodaliū, & Canoniarum Portionum, seu Charitatiui  
 Subsidijs, aut Iucundi aduentus, seu Quartæ, aut aliàs quo-  
 modolibet, aut aliorum quorumcūq; onerum sub certis mo-  
 do, & forma exemerint, & liberauerint, prout in diuersis ip-  
 sorum Prædecessorum de super confectis Literis plenius cō-  
 tinetur. Et licet ipsi Milites, & aliæ Personæ præfatæ non  
 debuissent, neq; deberent, à quoquam contra dictorum Pri-  
 uile-

uile-

uile-

Milites Hiero-  
solymitani pro  
Fidei Catholi-  
cæ tuitione pro  
prio sanguini  
non parcunt.

uilegiarum tenorem, & formam molestari, perturbati, vel inquietari, cum ipsi non modo eorum facultatibus, & fortunis, verum etiam sanguini, & vitæ pro tuitione Fidei Catholicæ non parcant: Nihilominus diuersi locorum Ordinarij, & Parochialium Ecclesiarum Rectores, & multæ Capitulares Personæ id sibi omnino iuxta Sacri Concilij Tridentini Decreta licere asserentes, eosdem Magistrum, Baiuliuos, Castellanum Empostæ, Priores, Præceptores, Milites, & Personas diuersis oneribus contra eorum Priuilegia prægrauare, illosq; ad Decimas, Censur, Subsidia, etiam Charitatiua, congruas Portiones, Iucundum aduentum, Pastor bonus, aut alias nuncupata onera, etiam Iura Synodalia cogere præsumant, in graue ipsius Hospitalis detrimentum, & grauamen. Nos igitur attendentes Hospitalis præfati multa esse in Fidem Catholicam, & Sedem Apostolicam merita Nobis, & Venerabilibus Fratribus nostris Sanctæ Romanæ Ecclesiæ Cardinalibus non incognita, Cardinalem Magnum Magistrum, Baiuliuos, Castellanum Empostæ, Præceptores, Milites, Fratres, Familiares, & eorum singulos, ac singulares dicti Hospitalis Personas à quibusuis excommunicationis, suspensionis, & interdicti, alijsq; Ecclesiasticis sententijs, censuris, & poenis à iure, vel ab homine quauis occasione, vel causa latis, si quibus quomodolibet innodati existunt, ad effectum præsentium duntaxat consequendum harum serie absoluentes, & absolutos fore censentes, Necnon omnium, & singulorum Priuilegiarum, Indultorum, Facultatum, Exemptionum, Immunitatum, Libertatum, & Gratiarum per præfatos, & alios quoscūq; Romanos Pontifices Prædecessores nostros, ac Sedem Apostolicam Hospitali, illiusq; Magistro, Conuentui, & Fratribus, Militibus, alijsq; Personis præfatis hætenus concessorum, ac Literarum desuper confectarum tenores præsentibus pro expressis habentes. Motu proprio, non ad Cardinalis Magni Magistri, & Conuentus Hospitalis huiusmodi, aut alicuius alterius super hoc pro eis Nobis oblatæ petitionis instantiam, sed ex certa scientia, & de mera  
nostra

nostra liberalitate; ac Apostolicæ potestatis plenitudine, omnia, & singula Priuilegia, Indulta, Facultates, Exemptiones, Immunitates, Libertates, & alias gratias eidem Magistro, & Conuentui quomodolibet concessa, Apostolica auctoritate tenore præsentium confirmamus, approbamus, illisq; perpetuæ, & inuiolabilis firmitatis robur adijcimus, ac omnes, & singulos tam iuris, quàm facti defectus, si qui forsan interuenerint in eisdem, supplemus. Cum autem felicitis recordationis Pius Papa IIII. Prædecessor noster eidem Magistro, & Conuentui inter cætera Priuilegia, Prioratus, Baiuliuatus, Castellaniam Empostæ, Commendas, ac alia eiusdem Hospitalis Beneficia libere unire, & dismembrandi facultatem concesserit. Et nihilominus à quibusdam quandoq; dubitatum fuerit, an ante, vel post mortem Possessorum, unio, seu dismembratio ipsa fieri posset, ac deberet. Nos ad tollendum omne dubium, & ambiguitatem, quæ in præmissis in futurum oriri posset; ut quâncunq; eis videbitur, siue ante, siue post mortem Possessorum, Prioratus, Baiuliuatus, Castellaniam Empostæ, ac alia eiusdem Ordinis Beneficia unire, & dismembrare libere, & licite possint, & valeant. Necnon omnia, & singula Priuilegia, & exemptiones præfatas, etiam ad Confratres, & Donatos eiusdem Hospitalis extendi debere, auctoritate præfata decernimus, & declaramus. Decernentes præsentibus Literas nullo vnquam tempore de subreptionis, vel obreptionis vitio, aut intentionis nostræ, vel quopiam alio defectu, etiam ex eo quòd locorum Ordinarij vocati non fuerint, notari, impugnari, vel inuolidari minime posse, minusque sub quibuscunq; similibus, vel dissimilibus gratiarum reuocationibus, limitationibus, restrictionibus, & derogationibus comprehendi posse, sed semper ab illis exceptas, & quoties illæ emanabunt, toties in pristinum statum restitutas, repositas, & plenarie reintegratas esse. Sicque ab omnibus censeri, & ita per quoscunq; Iudices, & Commissarios quauis auctoritate fungentes, etiam Causarum Palatii Apostolici Auditores, ac Sanctæ

Facultas unire, & dismembrandi Prioratus, Baiuliuatus, Commendas, & alia istius Hosp. Beneficia, tam ante, quàm post mortem possessorum.

Extensio Priuilegiorum etiam ad Confratres, & Donatos.

Ro-

Romanæ Ecclesiæ Cardinales, Sublata eis, & eorum cui-  
 bet quauis aliter iudicandi, & interpretandi facultate, &  
 auctoritate iudicari, & definiri debere, ac irritum, & inane,  
 si secus super his à quoquam quauis auctoritate scienter, vel  
 ignoranter contigerit attentari. Quocirca Dilectis Filijs in  
 Regnis Hispaniarum, & Neapolitan. nostris, & Sedis Apo-  
 stolicae pro tempore existentibus Nuncijs, aut Curiaë Cau-  
 sarum Camerae Apostolicae generali Auditori per presentes  
 Motu simili mandamus, quatenus ipsi, vel duo, aut vnus eo-  
 rum per se, vel alium, seu alios presentes Literas, & in eis cõ-  
 tenta quæcũq; vbi, & quando opus fuerit, ac quoties pro par-  
 te eorundem Cardinalis Magni Magistri, & Conuentus fue-  
 rint requisiti solemniter publicantes, eisq; in præmissis effi-  
 cacis defensionis præsidio assistentes, faciant auctoritate no-  
 stra eisdem Magistrum, & Conuentum confirmatione, ap-  
 probatione, adiectione, suppletionem, decreto, & alijs præmis-  
 sis pacifice vti, frui, & gaudere, Non permittentes eos per  
 Ordinarios prædictos, aut quoscunque alios contra præsen-  
 tium tenorem quomodolibet molestari, perturbari, aut in-  
 quietari; Contradictores quoslibet, & Rebelles per senten-  
 tias, censuras, & pœnas Ecclesiasticas appellatione postposi-  
 ta compescendo, ac legitimis super his habendis seruatis  
 processibus, sententias, censuras, & pœnas huiusmodi incur-  
 risse declaran. illasq; etiam iteratis vicibus aggrauan. inter-  
 dictumq; Ecclesiasticum apponen. inuocato etiam ad hoc,  
 si opus fuerit, auxilio Brachij Secularis. Non obstan. pia-  
 me. Bonifacij Papæ VIII. etiã Prædecessoris nostri de vna,  
 & Concilij generalis de duabus dietis, dummodo vltra tres  
 dietas aliquis auctoritate præsentium ad iudicium non ex-  
 trahatur, ac alijs quibusuis Apostolicis, necnon in Prouin-  
 cialibus, & Synodalibus Concilijs editis specialibus, vel ge-  
 neralibus Constitutionibus, & Ordinationibus, necnon iura-  
 mento confirmatione Apostolica, vel quauis firmitate alia  
 roboratis Statutis, & Consuetudinibus, Priuilegijs quoque  
 Indultis, & Literis Apostolicis quibusuis Personis, etiã præ-  
 fatis locorum Ordinarijs, sub quibuscũq; tenoribus, & for-  
 mis,

mis, ac cum quibusvis etiam derogatorijs, derogatorijs, alijsq; efficacioribus, & insolitis clausulis, irritantibusq; , & alijs decretis, etiam Motu, & scientia similibus, etiam consistorialibus, & de Fratrum nostrorum consilio in contrarium quomodolibet concessis, confirmatis, approbatis, & innovatis. Quibus omnibus etiam si de illis, eorumq; totis tenoribus specialis, specifica, expressa, & individua mentio, seu quævis alia expressio habenda, aut aliqua alia forma ad hoc servanda foret, illorum tenores, ac si de verbo ad verbū inserti forent, præsentibus pro sufficienter expressis, & insertis habent. illis alijs in suo robore permansuris, hac vice duntaxat specialiter, & expresse derogamus, contrarijs quibuscūque: Aut si aliquibus communiter, vel diuisim ab eadem sit Sede indultum, quod interdici, suspendi, vel excommunicari non possint per Literas Apostolicas, nō facientes plenam, & expressam, ac de verbo ad verbum de Indulto huiusmodi mentionem. Volumus autem, quod felicitis recordationis Pij V. xxij. Septembris Anno Sexto, ac Gregorij XIII. Prædecessorum nostrorum Literis sub Anulo Piscatoris xxv. Nouembris Anno Nono Pontificatum suorum expeditis in suo robore, & efficacia permanentibus, præsentibus Literæ non comprehendant, neque Ecclesias, neque Personas in his, quæ ad curam Animarum pertinent, in quibus Decreta Concilij Tridentini huiusmodi omnino seruari debeant. Declarantes insuper, ac præcipientes, quod præsentium Literarum transumptis, manu alicuius Notarij publici subscriptis, & sigillo Personæ in Dignitate Ecclesiastica constitutæ munitis, in Iudicio, & extra illud ubique locorum plenā, & indubitata, eademq; prorsus fides adhibeatur, quæ ipsis præsentibus adhiberetur, si forent exhibitæ, vel ostensæ. Datum Romæ apud Sanctum Petrum sub Anulo Piscatoris, die vltima Aprilis M. D. LXXXI. Pontificatus Nostri Anno Primo.

M. Vestrius Barbianus.

non

M

BVL-